

ҚАЗАҚСТАН РЕСПУБЛИКАСЫ	
«НҰР-СҰЛТАН ҚАЛАСЫ	
МӘСЛИХАТЫНЫҢ АППАРАТЫ»	
МЕМЛЕКЕТТІК МЕКЕМЕСІ	
18.05	2022ж.
№ 2	
010000, Нұр-Сұлтан қаласы, Бейбітшілік көшесі, 11	

**Нұр-Сұлтан қаласы мәслихатының әлеуметтік-мәдени даму және бюджет, экономика, өнеркәсіп және кәсіпкерлік мәселелері жөніндегі тұрақты комиссияларының бірлескен отырысының қаулысы**

Нұр-Сұлтан қ.

2022 жылғы 18 мамыр

**«Артспорт» бағдарламасы өнім берушілерінің мемлекеттік спорттық және шығармашылық тапсырыс мәселелеріне қатысты өтініші туралы**

Нұр-Сұлтан қаласы мәслихатының әлеуметтік-мәдени даму және бюджет, экономика, өнеркәсіп және кәсіпкерлік мәселелері жөніндегі тұрақты комиссиялары жергілікті атқарушы органның мемлекеттік спорттық және шығармашылық тапсырыс мәселелеріне қатысты ақпаратын тыңдап және талқылап, төмендегіні атап өтеді.

Мемлекет басшысының 2020 жылғы 1 қыркүйектегі «Жаңа жағдайдағы Қазақстан: іс-қимыл кезеңі» атты Қазақстан халқына Жолдауын іске асыру жөніндегі Жалпыұлттық іс-шаралар жоспарының 75-тармағын орындау шеңберінде 2021 жылғы 1 мамырдан бастап мемлекеттік спорттық және шығармашылық тапсырыстарды жан басына қаржыландыру тетігі іске қосылды.

Мемлекеттік шығармашылық тапсырыста үйірмелердің 59 түрі қарастырылған. 2021 жылы елордада 456 үйірме жұмыс істеп, онда 10 490 бала шығармашылықпен айналысты. 2021 жылы мемлекеттік шығармашылық тапсырысты іске асыруға 613,5 млн. теңге бөлінді.

Қазіргі уақытта шығармашылық үйірмелердің 45 түрі бойынша 1256 үйірме жұмыс істейді, онда 33 414 ваучер алған 21 000-нан астам бала тегін және тұрақты негізде шұғылданады. 2022 жылы мемлекеттік шығармашылық

тапсырысты іске асыруға 2 млрд. теңге бөлінді. 40 мың ваучермен қамту жоспарланған. Бұл ретте оған қажетті сома 5,6 млрд. теңгені құрайды.

Мемлекеттік спорттық тапсырыста (бұдан әрі – МСТ) спорттың 71 түрі көзделген, оның ішінде 21 олимпиадалық, 1 ұлттық, 4 олимпиадалық емес және дене мүмкіндіктері шектеулі тұлғалар үшін 45 спорт түрлері.

2021 жылы 3000 баланы қамтуды жоспарлаумен МСТ іске асыруға 602 млн. теңге бөлінді. Платформа арқылы балаларға берілген ваучерлердің жалпы саны - 45 074, оның ішінде 36 339 ваучер іске қосылды.

Өнім берушілердің өтінімдерін қабылдауды платформада және құқықтық актілермен тоқтата тұру мүмкіндігі қарастырылмаған.

2022 жылы МСТ іске асыруға 1,306 млрд. теңге бөлінді. 2021 жылы бөлінген бюджет қаражатының жетіспеушілігіне байланысты, ағымдағы жылдың қаңтарында 2021 жылдың қараша және желтоқсан айларындағы кредиторлық берешек бойынша өнім берушілерге көрсетілген қызметтер үшін 2022 жылға бөлінген бюджеттен 324 489 мың теңге төленді.

Жоғарыда баяндалғанның негізінде Нұр-Сұлтан қаласы мәслихатының әлеуметтік-мәдени даму және бюджет, экономика, өнеркәсіп және кәсіпкерлік мәселелері жөніндегі тұрақты комиссиялары **ҚАУЛЫ ЕТТІ:**

1. Мемлекеттік спорттық және шығармашылық тапсырыс мәселелеріне қатысты ақпарат назарға алынсын.

2. Нұр-Сұлтан қаласының әкімдігіне:

электрондық платформаны интеграциялау, ақпараттық қауіпсіздікті қамтамасыз ету, өнім берушілерді таңдаудың ашықтығы, өнім берушілерден өтінімдерді қабылдауды тоқтата тұру мүмкіндігі және бөлінген ақша қаражатын бақылау бөлігінде [artsport.edu.kz](http://artsport.edu.kz) электрондық платформасын жетілдіру мәселесін пысықтау;

мемлекеттік спорттық және шығармашылық тапсырысты орналастыру жөніндегі құқықтық актілерге өзгерістер мен толықтырулар енгізу қажеттілігін қарау және мыналарды көздеу:

балаларды оқумен қамтудың басқа бағдарламалар мен мемлекеттік мекемелерде қайталану фактілерін болдырмау, ақпараттық жүйелерді интеграциялау;

балаларды жыл бойына қамту параметрлері және тиісті қаржылық қажеттілік;

мәслихат депутаттарын тарта отырып, қоғамдық бақылауды қоса алғанда, мемлекеттік спорттық және шығармашылық тапсырыстың сапалы және нысаналы игерілуіне мониторингті жүзеге асыру тәртібі;

Мемлекет басшысының тапсырмасына сәйкес елордадағы балалардың жалпы санынан балалардың 10% - ын қамтуды қамтамасыз ету;

шығармашылық және спорттық үйірмелерге орындарды белгілі бір критерийлер бойынша бөлу басымдығы (көп балалы отбасылар, халықтың әлеуметтік осал топтары, мүгедектігі бар тұлғалар және т. б.);

мемлекеттік спорттық және шығармашылық тапсырыстарды орналастыру бойынша ағымдағы жағдай туралы халықты хабардар ету ұсынылсын.

3. Осы қаулы ұсынымдарының орындалуы жөнінде ақпаратты қалалық мәслихатқа бір ай мерзімде беру қамтамасыз етілсін.

**Нұр-Сұлтан қаласы мәслихатының  
әлеуметтік-мәдени даму мәселелері жөніндегі  
тұрақты комиссиясының  
төрағасы**

**А. Табулдина**

**Нұр-Сұлтан қаласы мәслихатының  
бюджет, экономика, өнеркәсіп және кәсіпкерлік  
мәселелері жөніндегі тұрақты комиссиясының  
төрағасы**

**В. Сергеев**